

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
KANTONALNI SUD U NOVOM TRAVNIKU  
Broj: 06 0 K 015787 24 K 2  
Novi Travnik, 24.12.2024. godine

## U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudija Kokić Edvina kao predsjednika vijeća, Avdić Darmina i Islamović Alme kao članova vijeća, uz sudjelovanje Dujo Slađane kao zapisničara, u krivičnom postupku protiv optuženog V. I. zbog krivičnog djela „Razbojništvo“ iz člana 289. stav 2. u vezi sa stavom 1. i članom 31. Krivičnog zakona („Službene novine Federacije Bosne i Hercegovine“, broj 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17), po optužnici Kantonalnog tužilaštva Travnik broj: T06 0 KT 0029162 21 od 22.10.2021. godine, nakon usmenog i javnog glavnog pretresa okončanog dana 19.12.2024. godine, u prisustvu kantonalnog tužitelja Ulemić Azera, optuženog V. I. i branitelja optuženog Hadžiabdić Senada advokata iz Bugojna, dana 24.12.2024. godine nakon obavljenog vijećanja i glasanja, donio je i bez prisustva stranaka i branitelja, javno objavio sljedeću:

### PRESUDU

Optuženi: V. I. zv. Š. sin A. i majke Z. djevojačko V., rođen .... godine u B., nastanjen u ul. S. broj ....., B., JMBG: ..., Hrvat, državljanin BiH, završio SSS, po zanimanju strojar, nezaposlen, razveden, otac jednog djeteta, slabog imovnog stanja, osuđivan,

### KRIV JE

što je, zajedno sa V. A.,

dana 19.05.2021. godine, oko 21,55 sati, u ul. B. broj ....., u B., u namjeri sticanja protupravne imovinske koristi, po prethodnom dogovoru da iz sportske kladionice „Milenium“ otuđe novac, nakon što su prethodno navukli ženske čarape preko glave, a optuženi V. I. je navukao i kačket na glavu, sa medicinskim rukavicama na rukama, po ulasku u kladionicu optuženi I. V. držeći u desnoj ruci preklopni nož prišao je radnici B. M. iza pulta i više puta glasno govorio riječi „pare“ držeći i dalje u ruci preklopni nož, te je oštećenu prislonio uz zid, a drugom rukom preturao po pultu tražeći novac, a u tim momentima je i V. A. ušao u prostor iza pulta gdje je vršeći premetačinu pronašao metalnu pokretnu kasu u kojoj se nalazio novac koju kasu je uzeo i stavio ispod jakne, a optuženi I. V. je sa pulta oduzeo novac koji je pronašao, pa su zajedno napustili objekat, govoreći oštećenoj da nikud ne izlazi, te nakon što su se udaljili odbacili su kasu i otuđeni novac u iznosu od oko 600,00 KM,

čime je počinio krivično djelo „Razbojništvo“ iz člana 289. stav 2. u vezi sa stavom 1. i članom 31. Krivičnog zakona Federacije Bosne i Hercegovine,

pa ga sud temeljem istog člana i uz primjenu odredbi članova 42., 43. i 49. stav 1. i 2. Krivičnog zakona Federacije BiH

## OSUĐUJE

na kaznu zatvora u trajanju od 6 (šest) godina.

Temeljem odredbe člana 57. stav 1. Krivičnog zakona Federacije BiH u izrečenu kaznu zatvora se ima uračunati vrijeme provedeno u pritvoru u periodu počev od 23.09.2023. godine pa do 11.10.2023. godine.

Temeljem odredbe člana 78. stav 1. Krivičnog zakona Federacije BiH optuženom V. I. izriče se sigurnosna mjera oduzimanja predmeta, i to: donji dio trenerke, crne boje, sa tri bijele linije dužinom obje nogavice, te amblemom i natpisom „Adidas“ ispod lijevog džepa, po potvrdi o privremenom oduzimanju predmeta MUP Srednjobosanskog kantona Travnik, PU Bugojno broj: 02/4-2-16/21 od 20.05.2021. godine, te se isti predmet po pravosnažnosti ove presude ima uništiti.

Temeljem odredbe člana 202. stav 4. Zakona o krivičnom postupku Federacije BiH optuženi V. I. se u cijelosti oslobađa dužnosti naknade troškova krivičnog postupka.

Zapisničar  
Dujo Slađana

Predsjednik vijeća  
Kokić Edvin